

Sukothai

Sukothai liit 440 km noerdlich vo Bangkok oder 350 km suedlich vo Chiang Mai! D'Stadt isch ufteilt i 2 Teil; "New Sukothai" und "Old Sukothai". dae historischi Teil "Old Sukothai" isch eini vo dae imposantische Ruinestaedt! Dae "Sukothai historical Park" bedeckt e flaechi vo 72 km², mit hunderte vo Monument.

S'Zugticket han i scho kauft, wo ich erfahre ha, dass es in Sukothai ueberschwemmige haet, ha mi trotzallem uf dae weg gmacht und die entscheidig nie bereut. Dae Zug vo Bangkok richtig Chiang Mai (Nachtzug), isch echt empfehlenswert und es erlebnis. S'Ticket am beste vorreserviere bsunders ufs weekend haere, wills denn schnell kei Platz meh haet. Au bi mehrere Persone imme es "Lower-seat" Ticket naeh, wegem schlafe, det haets viel meh Platz. Nach ca. 6h Zugfahrt, bin i in Phitsanoluk uusgstige und mit em Tuk Tuk (3 raederigs Minitaxi, dae Priis immer vorher uushandle) zu dae Busstation gfahre. Oeffentlichi "Public Bus", sind zwar nid mega schoen und bequem, aber guenstig! Nach 3h Busfahrt bin i denn in Sukothai aachoo. Im "Garden Guest House", han i denn es Bungalow gnoh, fuer 250 Baht (ca. 9CHF). Isch zwar eher gnueg fuer Thailand, aber es isch mega schoen gsii und nach Bangkok han is so richtig gnosse! Mit mae "Songtaew" (Pick-up Trucks mit 2 Sitzreihe. Eifach nach dae richtig fraege oder sage wo mer haere wett und dae Priis ushandle), chunt mer i ca. 20 min. nach "Old Sukothai". Det chan mer es Bike fuer 20 Baht pro Tag miete und da die Ruinestadt so gross isch, lohnt sich das uf jedefall. Dae Iitritt id aalag chostet 50 Baht und mer chan daenn mit em Velo im Park umeduese:o). Leider han ich s'Veloschloss verlore und bi s Risiko, dass mir s'Velo klaut wird nid iigange und bi denn wieder zruugg zum aafang!:o) "Old Sukothai" isch aber uf jedefall en 2 taegige bsuech Stop wert. S' isch alles furusse, mit viel gruen und eifach scho nume schoen zum relaxe! Da d'City ueberschwemmt gsii isch und s'Wasser am morge au i dae Strass vo mim Guest House cho isch, bini denn halt scho wieder wiiter nach "Chiang Mai". Nach "Chiang Mai" mit em Public-bus haet mer ca. 6h. D'Busstation haend's muese verlege, wegem Wasser und haend uf mae Tisch ganz eifach en neue Ticketschalter uftah:o). Isch da alles chli unkomplizierter, als bi eus i da Schwiiz:o)